

本館所刊之鳳雙飛一書准初五日起逐日隨報附送不取分文查是書共五十二回方成全本其後十回本館刻已竟到尙待校讎前四十二回目錄因已印出先行附送俟後十回校完再將其目錄刊諸君有欲先觀者請先期向售報人預定可也特白 本館創立之藝文社其緣起例畧并詳細章程已節次登報惟總潤格名目繁多限於篇幅不能排登今擬另印單張望諸公於本月初十日起至本館帳房索閱可也 本館代售之譯書公會報刻已出至第四期有欲長年購閱者即來預定可也特白

時報

本館在馬路四馬路惠里發售每張取錢五文 丁酉十一月初三日西歷十一月十六號禮拜五 第一五十六號

本館告白
本館所刊之鳳雙飛一書准初五日起逐日隨報附送不取分文查是書共五十二回方成全本其後十回本館刻已竟到尙待校讎前四十二回目錄因已印出先行附送俟後十回校完再將其目錄刊諸君有欲先觀者請先期向售報人預定可也特白 本館創立之藝文社其緣起例畧并詳細章程已節次登報惟總潤格名目繁多限於篇幅不能排登今擬另印單張望諸公於本月初十日起至本館帳房索閱可也 本館代售之譯書公會報刻已出至第四期有欲長年購閱者即來預定可也特白

創製戒烟半夏餅

夫半夏功消痰化飲止咳平喘潤肺實脾開胃消食治百病聖藥也今本堂創製戒烟半夏餅以滋補肺氣之不足而治咳嗽之症凡患咳嗽者不論新久一服即愈每盒一元二角五分

羊製各種半夏

治咳嗽痰喘等症每盒一元二角五分

耳老爺說
遊戲主人造蒲郎之廬而問曰吳諺有之凡喻世之痴騷者輒呼曰耳老爺其道可得言歟蒲郎曰命已肅然動容曰如輩如輩不識不知呼籲而無靈呵晉而不懼受侮而不報感恩而不知其利一革一弊以期報稱不亦耳老爺之流亞耶況耳老爺特一愚者耳懷固執之見乏機軸之心苟使爲一方主以坐鎮之雖不能造福於上亦何至降殃於下以視夫作威作福之見乏機軸之心誠耳老爺之不若矣主人言之未終蒲郎若有所感既而笑曰遊戲報之設也六月於茲矣閱者喜其諷刺動聽妙語解頤故日售萬餘紙風行數萬里執筆之人可告無罪乃庸夫俗子懼其窮形盡相描摹盡致以其不便於己也往往訾議之非笑之更從而詆毀之則是舉也且見嗤於耳老爺乎吾輩讀書萬卷生不逢時席帽壓肩青衫濕淚無尺寸之柄以化導斯民而欲藉遊戲之筆爲懲勸之書以余觀之誠耳老爺之尤者矣主人曰子無悶焉手民將以論說請盍泚筆而爲耳老爺說

遊戲翁權爲和事老
○大興里金小寶校書色藝俱佳兼通翰墨惟秉性孤傲不合時宜廳台鹿苑間早已香名藉藉客歲來滬黠職高張更覺俯視一切兆貴里林月英詞史姿容豔麗性格端莊後起之秀除胡玉楣張四寶數人外亦惟詞史爲首屈一指近日姊妹班中有數月英者一夕月英與小寶同宿酒於公陽里謝侍雲家適毀月英之人亦在座其人本與小寶稔熟私語良久月英疑之是夕兩人復於他處相值月英陡問小寶適纔談我何事小寶曰汝有何事怕人談說月英以其出言不遜意其語帶譏刺當時心中憤憤不平詞色之間頗爲悻悻兩美遂自以無端被謗心不甘其急欲表白處正其頗知自愛處其詰問小寶時若措詞圓轉何致失和

不當直指為謗已也然含冤未伸急不能擇亦不足為過小寶恃其色藝睥睨羣倫如月英本無所忌則其無庸傾軋月英可知忽聞月英陡然詰問其高傲性格口頭自不讓入其實人之論月英者何事小寶心中尚漠然無知也所望護花諸君子將兩下心迹詳細剖明自可渙然冰釋正不煩吃講茶賠罪服禮也

金詞史忽投自薦書 ○本館前屆花榜揭曉後始獲金巧林詞史薦書約計二十餘函業經節錄報端所擬刊刻花史刻下尚未纂成今忽接得詞史自薦函一帋足見詞史精通翰墨卓卓不羣且書中時文調甚多並有吾乃某某是也之句頗似仙降壇判語至末後又自稱為女中堯舜如此頌揚吾見亦罕爰特照錄以供眾覽其辭曰

游戲主人執事風流成性招落為懷豈不以家庭之內孝弟為先物我之交敬信為大吾乃東向仁里之金巧林是也明發有懷天倫中自多樂地友于克篤香閨內別具至情而且祇肅相將直欲檢身以全己浮誇悉屏何嘗傲氣以凌人之所難能其能為可貴耳潔滌滌以養老一心孺慕不徒樂香國生涯聯手足以無尤片念恩情更足致遊人景仰無論上客遙臨動容周旋皆中禮即于青樓姊妹交遊而端莊自矢不登花史子心亦無恨耳然既有花史之錄仍不免滄海之遺珠將何以對吾金巧林乎所以專誠奉達苟得如願以償則愛親敬長之情堪徵其實寡過謹身之節咸見其真所謂女中堯舜者無過于此也伏祈 裁鑒

人吃人 ○吾之所謂人吃人非真吃人也蓋謂當今之世人心不古往往狐假虎威狗仗人勢爭相壓制有類乎吃人者焉客述曾見某處監中走脫重犯知府怪知縣知縣怪典史典史怪禁卒禁卒怪更夫更夫怪犯人老犯怪新犯新犯怪無可怪鳴鳴而泣大吃小強吃弱層層相吃諺所謂大虫吃小虫小虫吃毛虫是也然此猶有貴賤之別高下之分其吃也固宜更有同類之人互為傾侮稍一懦怯即被吃住東風不吃西風西風則吃東風天下之人如此相吃豈不吃盡而後已哉悲夫

騙受騙 ○梨園中所演大小騙一齣已欲騙人而反為人騙亦可見天道之昭昭不爽也但凡如今時世無論何等入其心皆近於刻薄一切機械雖小兒輩亦不學而能所謂真正戲子百不得其一二而善騙者不亟思改頭換面猶欲從中逞其伎倆不亦愚哉客言有富姓者一闊少之流也肥馬輕裘日徜徉於秦樓楚館中揮金如土豪華不可一世自言從廿四橋邊初到申江者某客見之以為此人大可設計相誘遂極意趨奉靡所不至詎富某情知詐亦偽與周旋連袂同遊酒地花天殆無虛日一日富忽頻蹙曰蘇台某大憲接印須往賀之若無儀物某曰某綢號外國金綴極好某珠號有珊瑚朝珠一串價值千金將此二物獻與大憲必得歡心也富從之先付洋三百元餘俟蘇州歸再當清償且留下箱籠異當之重大約其中衣物必多某深信不疑富言十日即來待至兩旬杳如黃鶴某始訝之啓其箱皆磚頭瓦礫也至蘇訪問並無其人始知被騙然綢號與珠號索款甚急某向有眷在滬一時却難圖遁諺云偷雞勿着撒把米其某之謂歟

坐書場巡捕鬧氣 ○前晚禮拜日天樂書場聽客獨多各校書之有名望者亦皆聯袂偕來登樓獻藝聲韻嘹亮響遏行雲喝采之聲四座不絕而各堂倌之絞手巾冲開水者此來彼往煩瑣異常頗有不能面面都到之勢忽來某華捕年約二十許昂然據座堂倌趕將手巾布揩抹拾面泡上香茗十分趨奉而該捕亦得意洋洋顧盼自喜查捕房章程巡街捕非有事故拘人不得闖入人家室宇書場固屬遊戲之地或該捕適在當班例應入內彈壓亦未可知然亦決無入座之理其為違章無疑亦可見華捕之不如西捕守法矣

跪地板嫖客小心 ○兆富里金文仙校書色藝頗佳而性氣殊恁嫖客偶不愜其意旨便默然無言陡然色變近有某狎客極為愛戀凡校書一嘔一笑無不左右傾承順其意向前晚不知偶因何事干犯校書校書大為不懌該客連連打恭請安意仍不釋既而校書登床默坐該客即雙膝跪在牀前約一點餘鐘校書始稍形霽色命之起立該客又格外小心先起一足校書乃承之以手携上春台從此一刻千金其佳境蓋可知矣余謂此事比演花魁記受吐一齣尤為盡致雖父母盛怒之下以此禮數施之亦必轉怒為喜况一校書乎

鬧房新聞 ○無錫北塘某甲於月之某日為子娶婦華燭滿堂頗形熱鬧親友之道賀者相率作鬧房之舉有某乙善於諧謔是晚竟扮作戲劇中小丑模樣身穿補褂係用花帛黏貼首戴翎枝係用青松裝做搖擺入房跪於牀前新娘見此情形不覺吃吃大笑一時婦女之觀看者親朋之附和者咸皆拍手捧腹笑不可仰莫不謂某乙之善於鬧房焉上匾笑柄 ○金匱縣某大令委署斯缺瓜期已屆行將庖代某圖紳耆公贈匾額一方係革薄從忠四大字不料為某漆工誤倒竟做成從薄革忠一時鼓吹送去道旁觀者目覩其誤始令漆工另行更換一時傳播闔邑聞者無不以為笑柄焉